



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Mvndvs Et Mvndi Partes, Divinæ Bonitatis Ac Ivstitiæ
Præcones**

Stengel, Georg

Ingolstadt, 1645

§. 7. Ceruorum docilitas.

[urn:nbn:de:hbz:466:1-52365](https://nbn-resolving.org/urn:nbn:de:hbz:466:1-52365)

§. VII.

Cernorum docilitas.

Quod si animalium maximum elephas
proximūque humanis sensibus, humana
industria capi, regi, doceriq; potest, quid
de alijs victis aut vincendis dubitemus?

- Ælian.* Aiunt Catulum cerui dono datum Pto-
l. 2. c. 35. mæo Philadelpho, qui linguâ Græcâ nu-
tritus sit, & loquentes intellexerit; in ru-
borem nobilium quorundam pusionum,
qui, vt pigritiæ suæ litent, stupiditatem
profiteri non verentur, dum se aiunt, inge-
nio carere, ad Græcas litteras addiscen-
Virgil. 7. das. Tyrrhæo pecoris magistro ceruus fuit
Æneid. mansuefactus, quem

Soror omni Syluia cura

Mollibus intexens ornabat cornua sertis,

Pectebatq; ferum, puroq; in fonte lauabat.

Ille manum patiens, mensaq; assuetus herili,

Errabat syluis, rursusque ad limina nota

Ipse domum sera quamuis se nocte ferebat.

- Ouid. lib.* Et alius Poëta: Namq; sacer Nymphis Car-
10. Metâ. thea tenentibus arua

Ingens ceruus erat, lateq; patentibus altis

Ipse suo capiti præbebat cornibus umbras:

Cornua fulgebant auro, demissaq; in armos

Pendebant tereti gemmata monilia collo.

Bulla

Bulla super frontem paruis argentea loris
Vineta movebatur, pariliq³ etate nitebant
Auribus è geminis, circum cana tempora
bacca.

Isq³ metu vacuus, naturaliq³ pauore
Deposito celebrare domos, mulcendaq³ colla
Quamlibet ignotis manibus præbere solebat.

Sed tamè ante alios Cæa pulcherrime gētis
Gratus erat Cyparisse tibi, tu pabula ceruū
Ad nona, tu liquidi ducebas fontis ad
undas;

Tu modò texebas varios per cornua flores,
Nunc eques in tergo residens huc latus è
illuc

Mollia purpureis frænabas ora capistris.
Ac, ne quis Poëticâ hæc fide scribi existi-
met, testatur Plutarchus, Sertorium, in-
signem illum Romanū, contra Romanos,
Hispanorum ducem, ceruam aluisse, quam,
in expeditionibus suis, semper comitem
habebat, fingens Dianæ esse numen, à quo
res gerendas auspicaretur. Neque opus est,
hanc rem planam facere testibus, quam ex-
perientia fere quotidiana oculis subijcit.
Vidi ipse eiusmodi feras, cum pecore manè
exeuntes, & vesperè redeuntes. Vidi quæ
duos, tres, pluresue dies in siluis abnocta-
rent,

Ælian.
li. 7. c. 56.

rent, & ad arcem tamen reuifere suam nō obliuiscerentur. Vidi, Salisburgi, annum & cornua alta ferentem ceruum, qui & frœnum, & fessorem, & quod mirum magis, bombardæ à fessore intra cornua illius collocatę explosionē pateretur; equitēque ad vnum fere milliare principes curru celerrimo vectos comitantem portaret, quouis equo agiliorem. Quod si quis vult etiam fidelitatem cerui, Mithridates Ponticus, cū somnum caperet, sui corporis custodiam non modò armis & satellitibus excubitoribus committebat: sed magis etiā tauro, & equo, & ceruo, quos mansuefactos habebat. Ii enim ad custodiam eius dormientis aduigilantes, si quis accederet, illius, sensum ex ipsa respiratione, quem mox percipiebant, atque ille ex mugitu, aliter hinnitu, alius sua propria voce eum à somno excitabat.

§. VIII.

*Luporum, vrsorum, tigridum, leonūque
mira cicuratio.*

Credibilia hæc sunt ijs, quæ de lupis, vrsis, leonibus, ipsa tigride narrantur. Iacobus Christophorus Blarer, Episcopus Basileensis, Collegij nostri Bruntrutani Fundator,